


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之四

文莊王公傳

平川王公行實

梅軒蔣公墓記

煙村鄧公墓表

華泉邊公神道碑

莊敏許公墓誌銘


襄敏周公傳

戶部侍郎李公和傳

浙江圖書館

王世

貞續編



蔣冕

夏言

李廷相

王廷相

唐順之



全椒馬公神道碑

王 與

養齋徐公墓誌銘

張 袞

書菴盧公墓誌銘

潘 恩

戶部尚書鮑公墓誌銘

江道昆

戶部侍郎侯公墓誌銘

程文德

戶部侍郎黃公墓表

歐溪楊公傳

雷 禮

戶部侍郎喻司徒傳

王世貞

浙江圖書館

南京戶部尚書謚文莊王公傳

姑蘇袁袞撰

王鴻儒字懋學河南南陽人也少竒穎工書楷親屬為府  
史從治文書郡守金城段堅見而善之引見嗟異留居府  
中續食授衣親課其業入郡學為諸生提學副使陳選試  
其文驚曰是經世之文非舉子業也成化癸卯舉鄉試第  
一丁未舉進士授南京戶部主事初領倉庾出納明慎遷  
員外郎權稅淮安鳳陽皆著聲績遷山西提學副使柳淳  
崇雅先行檢而後詞華品藻不失因材開發終日面命不  
倦多士歸心焉孝皇一日與劉夫夏論人才曰如山西副

使王鴻儒他日可大用對曰此人才行不易得誠如聖諭  
歷遷吏部左侍郎以甄拔為己任崇獎實行不純未虛名  
博綜經史尤明習國家故事官至南京戶部尚書卒謚文  
莊哀衮曰王公操履端純而資以博洽之學文行政事蔚  
為名卿生有令聞沒膺美謚宜乎哉

浙江

圖



南京戶部尚書平川先生王公行實

門生馬理撰

先生姓王氏諱承裕字天宇號平川山人晚年號樂  
休道人學者獨稱為平川先生云故櫟陽司馬村人  
其遷於三原者自夫高祖始也高祖諱彥成號安止  
曾祖諱惟真號恒齋祖諱仲智號西園翁皆以父太  
師端毅公貴累贈光祿大夫柱國太子太保吏部尚  
書高祖母張氏侯氏曾祖母張氏祖母周氏皆累贈  
一品夫人父諱恕字宗貫號介菴晚號石渠又號一  
菴道人正統戊辰進士由翰林院庶吉士江西提督

學校布政司右布政使歷官光祿大夫柱國太子太  
保吏部尚書卒贈特進光祿大夫左柱國太師謚端  
毅其學行政節謨猷具載 國史列傳及家乘母蓋  
氏張氏皆累贈一品夫人文氏封一品夫人張氏累  
贈太淑人先生太淑人出也先生由成化丙午鄉舉  
弘治癸丑進士歷任兵科給事中吏科右給事中刑  
科左給事中吏科都給事中太僕寺少卿本寺卿南  
京太常寺卿戶部右侍郎總督倉場本部右侍郎南  
京戶部尚書嘉靖己丑致仕成化元年乙酉三月初  
五日寅時先生生於河南官邸蓋端毅公巡撫日也

方兒時即重厚如老儒恒端坐不妄言笑年七歲作  
屋隙詩畧曰風來梁上響月到枕邊明又作先師孔  
子木主朝夕拜之春秋則於太淑人所取錢十數文  
具香果齋而祭之其齋之銘曰齊不齊謹當謹萬物  
安百神統聖賢我古來脗齊不齊謹當謹太淑人廉  
知之以白端毅公公喜曰此兒足繼志矣十三有危  
疾自謂不起乃出所作童子吟稿以求訣父母蓋端  
毅公始見所咏不勝悲喜疾乃尋愈十五時在南京  
從莆田蕭生學蕭令侍立三日一無所授先生歸告  
端毅公曰先生待兒如此謂不足教耶公曰善哉教

也真汝師矣先生由是益尊師樂學遂深造焉十七  
遇端毅公誕辰著古賦以壽之十八端毅公巡撫南  
畿為廳事於會同館闕地得古銅器公考古以鼎硯  
名命先生著記記成吏部尚書王公儻刑部尚書張  
公瑄禮部尚書耿公裕見而皆題跋以鄉相與之時  
所著有進脩筆錄崇仁吳正郎宣偶見而題之序焉  
癸卯年十九應鄉舉提學副使戴恭簡公珮試其文  
即以發解許之既而不果戴公惜焉甲辰年二十作  
太極動靜圖說曰太極肇判乾坤攸位迺旋迺轉陰  
陽行焉由是生生化化萬物咸備而人生於中得元

亨利貞之理為仁義禮智之性理也者默然無形  
可見無聲可聞然賦之於人非動手其未賦之先蓋  
靜之謂也人之有性猶天地之有理未感而見之於  
外徒深以存之於內則失其變化之機矣是故象勞  
兼樂所謂法天而不載者也象安兼壽所謂法地而  
不覆者也斯皆常人之為若夫動靜以時無所迁焉  
則與天地為一矣嗚呼其聖人哉說出一時名公咸  
傳覽焉丙午年二十二鄉試中式是年端毅公命完  
婚乃著婚禮用中一書呈覽與可乃執而行之丁未  
孝宗登極召起端毅公為冢宰先生侍行端毅公察

其無私令終日開門延賢與一時縉紳交接比退食  
叩其所聞則一時人材文藝武畧悉得其槩乃識而  
用之多稱厥職故銓衡之政號明而不私蓋先生實  
有力焉然苞苴不通亦海內所共知也癸丑登毛澄  
榜進士觀政禮部五月端毅公致仕先生請從歸養  
有暇溫故於學道書堂士多就之堂至不能容遂設  
科於弘道書院四方從遊者益衆先生教以宗程朱  
以為階梯祖孔顏以為標準其詳見於都御史和順  
王公雲鳳之記時先生以師道自居甚嚴弟子咸知  
敬學故自樹而成名者若秦叅政偉李副使伸張給

事中原李同知德明劉推官德學張治中秉正雒叅  
議昂張僉事彥杲郝副使世家秦知府鎬趙主事瀛  
來御史聘張知州時芳潘知縣汝壽秦知縣寧張知  
縣元相李知縣良心李知縣應需趙知縣儒賈知縣  
朝王知縣朗張進士文卿舉人党汝蘭張時雍王明  
王朝李瑗王佩來賀揚廷亨李結選貢揚子美張龍  
李邦傑及理屬頗衆自是三原為西安右邑稱多士  
矣乙卯四月授兵科給事中有時政先務等䟽言皆  
切中時弊己未給 誥命移封繼母文氏為一品夫  
人冬周府冊封先生充副使庚申冬肅府冊封再充

副使凡冊封王有常贐先生皆不受周府乃以美石  
餽之亦不受辛酉冬奉勅清理山東河南屯田釐正  
甚多軍民咸稱快馬甲子七月陞吏科右給事中乙  
丑三月陞刑科左給事中有廷訪圖治等疏武宗  
登極欽賞紵絲一表裏花銀六兩是歲端毅公年躋  
九十朝廷遣使存問先生亦奉勅給賞陝西諸邊將  
士過家壽親拜特恩馬先是給賞者率委官行事  
多被侵欺先生乃親歷諸邊一一唱名散給士沾實  
惠皆歸德朝廷丙寅改元事竣還朝丁卯三月陞吏  
科都給事中時逆瑾專橫群工多出其門先生遠之



又上疏乞進用君子退黜小人及諸不法事瑾怒罰粟三百石輸邊戊辰充會試同考試官取進士三十五人皆名士後咸膺仕有為太冢宰者初先生自兵科給事中至都給事中立朝正直忠厚著名一時然清慎日用不足端毅公知之歲以數十金資焉是年四月二十一日端毅公卒時先生在官端毅公有遺教焉令孫輅籍以畀之五月先生奔歸痛甚已視籍教彌痛自是佩教終身焉喪葬依文公家禮及高氏厚終禮行之己巳六月繼母文夫人卒壬申服闋十二月復除吏科都給事中有勤政視朝及論任將等

疏皆為治之要軍國之急務 上嘉納之邊將有進  
退焉癸酉正月陞太僕寺少卿三月給吏科都給事  
中勅命封母張氏為太孺人配張氏為孺人六月奉  
勅勾當延綏諸邊公事事畢奉母如京就養十月奉  
命點視京營馬匹視所損耗肥瘠罰各當罪人稱明  
焉丙子正月給太僕少卿 誥命進階中憲大夫張  
太孺人加封太恭人張孺人加贈恭人繼焦氏封恭  
人八月陞本寺卿時 上於內苑教習武事先生乃  
潛有所備一日 上將大閱偶降旨用戰馬二萬先  
生即以應 命大臣驚曰方 旨下時吾儕失色懼

倉卒無備見公委蛇疑之今事乃稱 旨豈公有先  
見而備之耶抑此外尚有餘馬否耶先生徐曰止餘  
四萬匹耳諸公咸嘆服丁丑十二月陞南京太常寺  
卿戊寅正月上疏乞 恩祭掃奉 旨馳驛以歸祭  
掃畢十月赴任時上南巡先生即祇具牲帛祭品儲  
以待祀或曰上方用武無暇於祀何以備為弗聽及  
上至奏祀皆行之言者愧服當祭之先期演樂先生  
自旁觀之於三百人內呼聲容失節者數人罰之衆  
稱明焉己卯宸濠作亂欲趨南都大臣分城以守先  
生分守通濟門乃與家人訣別登城誓死守之會有

逆黨造成甲兵藏諸擲內以應賊者先生覺而發之  
處以極刑都城肅然十二月張太恭人卒先生守制  
丙歸壬午今上即位改元嘉靖論御賊功賞銀三十  
兩紵絲三表裏七月復除南京太常寺卿癸未四月  
陞戶部右侍郎奉 勅提督倉場舊有公堂歲用銀  
千兩該司白先生命貯庫無取十一月繳勅還部十  
二月奉 旨視大祀犧牲甲申正月大祀分獻丙嶽  
華山之神八月奉迎 睿宗獻皇帝神主到京欽賜  
紵絲二表裏銀十兩冊上兩宮徽號欽賜紵絲二表  
裏銀十兩九月言官論禮部尚書席公書先賑濟事

大臣之度者也。豈惟全陝之人望寔，乃當代之名流。時稱為名言。今年五月十六日，感疾至二十一日午時卒。時偶有烈風雷雨之變，瞑頃晴霽，遠近赴吊者絡繹不絕。弟子諸大夫庶士哭奠如私親。先生廣額豐頤，鼻如截筒，耳垂有珠，重頷美髯，貌丰而澤，體厚而胖，居嘗威重，端嚴若神，然溫手可親，又栗然而不可狎也。性篤孝，能悅親，養志故端毅，公愛之特甚。又善事諸兄，諸<sup>兄</sup>皆殊常友之。或有弗念，鞠子哀者亦承以恭遜而已。時序祀先，唯謹。女兄適仇氏，行年八十。孀貧先生，率子姓不特餽遺，養之誨，諸子姓以道有

不率教者則反躬自責令其愧耻雖僕御有過至内  
竊而敗亦薄示懲戒許其自新務以德化不深咎焉  
與人交即之弗親遠亦弗踈淡淡若水然心平氣和  
周而不比恭而有禮忠信無偽寬柔有容故與之交  
者無弗敬愛自少喜愠不形諸老嫂嘗試之暑月先  
生如廁必置扇外舍牖間使婢藏之出視無扇輒往  
及三置三藏之則不復置扇而終無愠色諸老嫂相  
與笑曰七叔量大如海探之不見其底其將鼻吸三  
斗醋耶盖自其少時即有相臣之量如此平生足不  
由徑口無莠言量衡之器不持宮體之辭弗嗜然矜

而不爭嚴而能泰長安高御史胤先與游久之贈詩  
以堯夫正叔與之蓋服其和粹嚴正不易及也自少  
樂多賢友端毅公尤夙以尚友之道誨之故一時海  
內名賢無弗接者以故聞見甚廣尤多識先朝舊典  
逸事待叩而應否則深藏若虛一時博洽如王文莊  
公之屬猶敬畏焉陽明王氏考功日嘗就問大學之  
要語之明日謝焉又問中庸之要語之明日謝焉今  
王氏書不著而有他說豈記者偶有誤耶善接引後  
學因材以篤又廣擇髦士俾各敦學以訓蒙士俟厥  
有獲則授所未聞故師逸功倍學而成立者衆先生

自始學好禮終身由之故教人以禮為先凡弟子家  
有冠婚喪祭之事必令率禮而行又刊布藍田呂氏  
鄉約鄉議諸書俾鄉人由之又表章先哲如毛氏建  
忠李衛公靖以文武濟時揚元帥子江樹勲於國邑  
令朱春夫婦死節或立祠致祭或撰記署扁建碑皆  
顯其忠義激勸後學故三原人士多所勸法動皆由  
禮凡酒壚茶肆足不屑履雖官府公廨亦稀至馬鄉  
亦鮮作佛事士風民俗為之貞美多先生之力也先  
生為文未嘗構思每攬筆為之比成亦不復雕琢第  
子侍數十年未嘗見其苦思而撰述焉其于詩賦亦



然蓋不以辭章自居而所重有在故耳書小楷入妙  
善用懸腕直鋒書多變化在歐顏間大書結構如端  
毅公而精神氣象稍異行法鍾王入能篆宗玉筋八  
分所至在唐韓蔡間唯不喜草書謂去六書遠甚不  
可傳耳善琴暇必操縵適情喜潔所在有弗灑掃焚  
香盛服以居不自安也好古凡服食器用茶湯之品  
皆做古為之喜與客共不自私焉所著有論語近說  
論語蒙讀談錄漫語星軺集辛巳集攷經堂集庚寅  
集諫垣奏草草堂語錄三泉堂漫錄李衛公通纂厚  
鄉錄橫渠遺書太師端毅公遺事及前童子吟藁婚

書用中進脩筆錄動靜圖說共若干卷先生初配張  
 淑人乃孝誠處士女廉憲靜菴先生從妹張給事中  
 原再從姑封贈見前慈惠靜敏有幹理材先生自仕  
 學之外一切家事悉淑人治之無閔心焉蓋不但內  
 助而已繼配焦氏秦府儀賓焦淇配南安郡主第四  
 女善尸養封贈亦見前再繼林氏總兵林威孫女通  
 琴書經義聰慧容德過人甚宜先生多講談焉其卒  
 也先生思其善痛甚見林壙志先生所自著也三繼  
 尤氏西安後衛指揮尤銳女閑內範子男四輅舉人  
 娶李氏皆先卒輔恩生先卒娶郝氏輦恩生娶秦氏

輿儒士娶張氏

繼翟氏女一適國子生秦淵皆

張淑人出孫男二逢陽邑庠生聘秦知府錫女殤繼  
聘理男希古女逢夏幼皆輦出孫女四一適國子生  
秦從師一適布政司知印李繼一許適張僉事彥杲  
子鈿皆輟出一尚幼輦出先生生卒歲月日時見前  
享年七十有四茲輦輿將圖葬于西園祖塋東林震  
位之兆蓋三淑人先葬所也葬既有期盍為求圖是  
以區區後學小子據所聞見著為行實惜寡陋不敏  
得其麓迹而已其于先生精義妙道實槩乎未有聞  
也然于先生立朝正直忠厚之風嚴正和粹之氣殆

亦庶乎未之掩焉伏惟立言不朽君子命諸侍史采  
而筆之



浙江圖書館

先兄資政大夫南京戶部尚書致仕梅軒先生

蔣公墓記

蔣冕

此先兄南京戶部尚書梅軒公之墓公諱昇字誠之  
姓蔣氏梅軒其別號也世居全州曾祖考諱貫刑部  
員外郎祖考諱安隱德不仕考諱良雲南河西知縣  
俱贈光祿大夫柱國少傅兼太子太傅戶部尚書謹  
身殿大學士曾祖庇蒙祖妣滕妣郭俱贈一品夫人  
公自幼勤苦問學以州學生舉成化辛卯廣西鄉試  
丁未第進士弘治己酉授廣東南海知縣以政績卓  
異徵入朝擢南京福建道監察御史陞河南汝寧

知府廷湖廣按察副使進浙江按使轉浙江右布政  
使陞四川左布政使尋陞都察院右副都御史巡撫  
南贛汀漳等處進南京戶部右侍郎今上嗣統以  
廷薦陞本部尚書受 誥進階資政大夫數月以老  
疾懇辭允之 賜勅褒諭 命有司月給廩米歲給

輿隸仍馳駟以歸家居四年以疾卒嘉靖丙戌五月  
十二日也距其生景泰庚午九月十二日享年七十  
又七計 聞遣官諭祭者二 命工部營葬事葬以  
卒之年十二月十八日墓在州北七里橋北配楊累  
贈夫人繼于累封夫人男三長履端太學生次履長

後軍都督府經歷次履坦詹事府主簿為弟冕後女

三通政經歷陳邦傑士人曹鸞奉人唐珏其壻也孫

男務耕等若干人公天性純誠其於世人機械事茫

无所知至於蒞政折獄徃之如燭照而數計毫髮无

能遁其情者其官郡縣保民如子惟恐傷之逮司臺

憲鋤奸雜惡不遺餘力未嘗少有縱舍蓋公平素潛

心義理之學而必驗之於行持身處官事无難易一

切揆之以理心有未安虽小節末務不肯苟徇委隨於

先儒大穷理而務果斷之說終身誦之其言行政事

无愧於古人者甚多此不能備錄云

浙江圖書館



浙江圖書館



榮祿大夫南京戶部尚書贈太子太保煙村鄧公墓

表

貴溪夏言撰

鄧曼姓以國氏其先有自楚徙今之涿州者涿之有鄧其  
稱固遠然至公益大著公諱璋字禮方別號煙村公曾祖  
仕能祖平皆不仕父誠國子生成以公貴贈右都御史母  
蕭氏贈夫人繼母王氏封太夫人公少讀書即知為文業  
舉長領庚子鄉薦繼登丁未進士授南昌推官寧人有以  
瑕立故誣民以殺人公覆其中輒麗寧人以法武寧大獄  
數十積稔莫決取故案一視而成之人驚謂神上方重良  
民吏召為福建道監察御史督推而國課集巡按而民害

去績簡上心擢大理寺丞甲子奉命會勘寧藩鍾陵王無  
所回忌一意窮詰有干逆濠者悉寘於法人皆難之乙丑  
奉命覈勘太監苗達等功次務絕知交賓客之請停勒豪  
貴冒首功者九百餘人特論快之遷本寺左少卿俄轉都  
察院右僉都御史巡撫遼東贊理軍務乃請屯田治垣障  
通關市官商長布恩信諸夷懷畏邊人按堵屢為上知獎  
改巡宣府復數有軍功遂加俸級至冬擢南京戶部侍郎  
逆瑾執國柄惡不附已輒中傷致仕瑾誅以守正起為左  
副都御史時青州賊楊虎等連衆數萬轉寇河南屠燒城  
邑族殺不辜環數千里莫不被其毒握兵之將皆望塵蹙

宿莫有扶一戈援一袍為士卒先者命公巡撫至則奮然  
師先戰守隨宜不數月賊平上敕褒之既而南北畿甸山  
東河南北新剗於兵仍以早饑民交走死無弔朝廷憂焉  
遣大臣賑之難其人上習知公才力特命兼理公因事增  
智盡心於其不可為之地卒全活數百萬人所部賴無事  
明年改南京刑部右侍郎繼改兵部時土魯番黠鰲皆約  
束繫哈密虜其主忠順王能大為邊患邊民數驚上特命  
公為右都御史總制陝西延綏寧夏甘肅諸軍事公及陝  
建塞徼起亭隊飭弓弩具繭石布渠各設屯戍塞賀藍山  
隘口三十處使賊不得通增花馬池塹壘木樵校聯四十

餘里不絕使賊不得越復築城樹榆外使居民有保障至冬虜大寇群民蝟毛而起倏集城下公乃掘井晷罌薰穢殲潜曷梁彤珠禽斬以百計如是者再賊知中國大有人在乃歛迹去公遂以速陞賞廣推恩重捷音憂犒勞嚴法制完徵輸靖苑馬給商價蠲屯種歸貢夷十事上陳上皆嘉納居亡何西寧番賊却掠屯寨侵盜不已公簡將出可追奔數百里捷聞上褒獎之賜白金彩幣公以疾得請還至戊寅土魯番復攻哈密寇肅州羽檄日至上思公舊績復起公提督軍務便宜從事公方至州北虜阿爾禿廝乘微寇永昌逆吾顏將悉銳皆往遣之禽公乃以隨季陷楚

法克之士魯番素憚公聞公復至輒戒部落曰忽以邊為  
意數使乞和及還貢使衆皆欲聽之公曰夷狄之往來而  
不能困使得氣去後未可復故漢人曰匈奴侵盜無已者  
無他以不恐之故耳况今虜雖乞和實未有憬意柰何遽  
聽之具彼域所需咸仰給中國但閉關絕貢彼始失圖有  
悔心耳遂大為戰守備多為疑形數觀兵塞徼虜果大恐  
悔過輸罪悉歸所虜掠公曰可矣乃許其通貢歸其使又  
以忠順王不可復立議擇一都督為守哈密後圖興復上  
甚嘉之賜蟒衣金寶絛環自是訖公歸京師越十餘年莫  
敢有犯邊者境內用以少安己卯宸濠變起上自將駐蹕

南都秋以公為南京戶部尚書公與兵部尚書喬公協心  
同規綜理應給凡中官一切無名之索皆力却之政有紛  
更者亦抗疏止之南都人深賴焉辛巳夏以疾懇乞骸骨  
上留弗得從之歸則徜徉田園課訓子孫足不一至州縣  
門過賓宰得見者嘉靖改元詔進階榮祿大夫秩從一品  
嘉靖十年十月二十一日以疾薨于里第天子聞之震悼  
錫以塋祭諸卹典有加焉公天性疏亮機警為恢豁軼宕  
務大體有經國幹略遇有急湏片紙立辨慷慨倣儻不徇  
委巷小己苟異細介讀書務在采高標大歸不屑章句訓  
話兩鎮西北風裁凜凜向敵用儒雅文子書生一旦取先

天下武夫閔其口而奪之氣士大夫聞者莫不扼腕起立  
竊自增氣以為使議者皆知將兵而急國難者不在彼而  
在此與人多可少恠汪汪軌度然剛果敢為遇事雖權勢  
弗奪字量弘邈喜怛莫測其際有孝友至性弟琬早世保  
恤其婺楊氏獲成完節底旌其閭撫教二孤皆得成立公  
馭歷中外四十年所至聲績輒暴著尤急於薦賢長於知  
人凡所甄拔文臣多躋省臺武多應閫帥平所著文有奏  
議三十冊公既葬城東祖榮中立以公與先大夫有庚子  
同年之雅又余嘗奉命經涿兩造公之廬以余知公書必  
備請文以表公之墓余遂綴筆識公平公而復繫之以辭

踔躒鄧公才高器竒於人所難沛然厥施姑撮其大聞者  
茹藥法抗宗室公覈權貴逆瑾盜柄孰敢不附公獨屹然  
觸忤弗顧青賊橫行披邑躡城一舉踣之民始復生四國  
流莩公往賑卹活倍青州皇澤用溢吐蕃黠鵠犯我邊境  
屢殲其師鷲音懷憬尊事中國卑辭引領忠孝大節經濟  
大略細廉曲謹匪公所樂公與古人疇哉可擬黃裳齊賢  
氣味乃似名位否顯德業允崇樹石墓門式照無窮

浙



資政大夫南京戶部尚書華泉邊公神道碑

濮州李廷相撰

皇明有文學政事之君子曰邊公公諱貢字庭實號華泉其先淮陰人也六世祖朝用元至正兵亂避地歷城華不注峯之陽因冒王姓故今為歷城人朝用生一誠高皇帝定天下始復邊姓一誠生文質以公大父貴贈奉政大夫應天府治中文質生寧即治中公寧生節山西代州知州皆以公貴累贈資政大夫南京戶部尚書公生有異質即襁抱時祖母王夫人時置膝上口授章句一過輒成誦既乃從大父治中公於官所於是公角尚非即蔚有文名弘

治乙卯年纔二十舉山東鄉試第四人明年丙辰遂登進士授太常博士時敬皇帝重祠事公駿奔惟謹嘗以告不與上私語左右曰何不見年少官人耶其為上所簡注如此乙丑六月擢兵科給事中公性峻直又練習國章通曉時務抵掌談天下事率鑿鑿副名實雖重忤時貴弗畏避敬皇帝登遐公劾太監張瑜與太醫劉忝高廷和用藥之誤又劾太監苗逵與保國公朱暉都御史史琳用兵之失詞義剴切聞者凜然是年九月仍擢公太常寺丞既而逆瑾擅權陵轍衣冠亡所不至公又不能善事顯貴人於是顯貴人伺瑾顏色出公為衛輝知府庚午改荊州時藍馱

寇亟飛輓之務公以身任之民不擾而事集克獲之功公  
與有勞若夫革吏奸察民隱脩廢墜宣恩惠為天下治行  
最辛未擢山西提學副使尋丁代州公憂甲戌服除起公  
河南公正己以格物先行而後文申條教以定其趨勤考  
校以程其業復文體以示其標嚴勸懲以鼓其氣繇是士  
經公訓迪者莫不克然各有所得丙子鄉試號稱得人丁  
丑丁母董夫人憂初公體豐顏渥風神藻雅兩更三年喪  
衰毀踰禮自是積克成疾而公亦倦于游矣辛巳今上入  
繼大統詔求遺逸撫按諸公交章論薦乃即家起公為南  
京太常少卿嘉靖癸未晉南京太僕卿承平日久騎政漸

廢公至未期釐敝課功公私稱善甲申改南京太常卿丁  
亥再改太常卿提督夷館時四夷文字體各地殊八館諸  
生學亡師授公徵求故譯是正諸文以成一家之學以通  
遠人之情戊子以年勞轉南京刑部右侍郎己丑擢南京  
戶部尚書東南財賦半輸留都百官六軍咸仰給焉制以  
都御史總之轉相疑忌事多格閣公曰會計者部之事也  
覺察者院之事也何妨焉公之識大體事多類此辛卯忽  
以疾懇疏乞歸初公癖於永書所蓄不啻數萬卷壬辰偶  
遭回祿焚之幾盡公仰天大哭嗟呼甚於喪我也疾遂篤  
胡夫人謂公曰即不諱麗牲之石孰當銘公者旣而曰宜

莫如廷相公然之已而卒惟公與先太保公同省又同舉  
進士甚相愛也廷相叨官詞林兩佐南銓又辱公忘年之  
雅日夕以文事相劇切有師資之益焉則茲役也其奚敢  
辭追憶國朝文章無慮三變高皇帝初正大統青田金華  
義烏諸君子力以斯文為己任剗削舊習橫制頽波幅尺  
騷雅興起學士求樂以後騷卿藻士布滿天下然詞頗纖  
弱稍異曩昔識者病焉敬皇帝時明興壹百三十餘年於  
茲矣四海梁肉百官委蛇得以肆力弘學游心藝苑於是  
公起歷下與北地李夢陽河南何景明互相師友力追作  
妙悞真機鼓吹盛美可不謂振世雄豪也邪况公孝友天

至又喜賓客樂道人善接引後進常若不及至於當官蒞  
法必盡其力所在人皆嚮之愛之語曰文質彬彬然後君  
子其在斯乎公生于成化丙申八月卒于嘉靖壬辰二月  
年纔五十有七配柴氏累贈夫人先公卒繼胡氏累封夫  
人子男二人長翼以廕為太學生次習皆幼所著詩文四  
十餘卷藏于家門人輩相與謀梓之蓋世所必傳者也塋  
以卒之年某月某日墓在邑城東原祖塋之側銘曰皇皇  
大明文治誕興言言歷城積高氣靈郁郁先生應運而升  
達治之本立士之經摛采玄黃流聲宇宙人謂公才公不  
自有以器以年容臺是授周旋祠事受知我后乃擢黃門

所在公用故多侵尅先生奏同正銀解送國用以饒  
又查革私充官機匠四百餘人歲省糧四千八百餘  
石又查南京諸倉應祀神祇未祀奏准於烏龍潭倉  
建立祠宇歲時舉祭又查南京自正德辛巳至嘉靖  
戊子各處稅糧多逋乃移文督之南半載糧絡繹至  
盈一百七十萬石乃作竹園貯之倉廩充焉五月  
上賜聖製燕弁冠服忠靜冠服圖說二冊己丑八月  
致仕先生自始仕至致仕恒勤於公事所在得體清  
正無愆當時稱其濟美有范忠宣公繼文正公之風  
謝政家居惟以讀書教人為事優游十年論薦者衆

御史唐錡疏曰古心直道偉然有其父端毅之風居  
家教人允矣為是邦名德之望御史馬敏疏曰言動  
有古人之風操持無一節可議巡撫都御史寇公天  
叙會同御史王儀疏曰學識博雅器宇弘深官居八  
座不改常布之舊行年六十尚存赤子之心喜怒不  
形寵辱不動久負公輔之望實為廊廟之才總制三  
邊尚書劉公天和疏曰純正之學術得自家傳端謹  
之操履成於涵養德器簡重而喜怒不形於辭色學  
問弘邃而見聞博洽乎古今當官則以正直忠厚為  
本居家惟以讀書講學為事且明習累朝典故真有



俶倣正言播紳相賀風采凜然再晉容丞厥城是專督學  
梁豫教化攸宣惟帝汝嘉首下徵詔啟歷兩都荐掌邦教  
方期柄用允弁于道胡遄其歸克遂高蹈我讀我書天胡  
災之斯文之喪不其在茲公命遠止吁其可悲門人達者  
爰慕厥遺華峯之麓佳城鬱鬱奎壁之間文光上燭我銘  
諸碑用昭世族公乎有知庶幾瞑目

浙江

五



浙江圖書館

資政大夫南京戶部尚書贈太子太保謚莊敏許公

儀封王廷相撰

嘉靖十三年正月乙卯資政大夫南京戶部尚書許公卒  
于位訃聞皇上嗟悼乃贈太子太保賜謚莊敏遣官諭祭  
營塋事恩典優備第戶部尚書松臯公以廷相雅知公乃  
持右通政杜子材所撰狀來乞銘嗟乎神遊九壤公已長  
逝乃若德茂人群言垂世則裨贊帝猷式標風化誠不可  
無述按狀公諱誥字廷論號函谷河南靈寶人也厥遠祖  
伯夷為堯四岳至周封其裔文叔于許子孫以國其姓在  
隋唐宋元譜牒可稽者余於公大王父碑銘已叙其畧茲

不述高祖士信配陳氏曾祖實贈戶部左侍郎配焦氏贈  
淑人祖聚安定縣教諭累贈戶部左侍郎加贈刑部尚書  
配何氏累贈夫人父進吏部尚書贈太子太保謚襄毅前  
母張氏累贈淑人母高氏贈一品太夫人成化辛卯年十  
二月六日太夫人夢巨蛇入室覺而生公在童齠岐嶷不  
群長而機神警朗望見之者無不羨其竒偉十歲治大小  
戴禮便能屬文弘治乙卯與松臯公同舉于鄉己未登進  
士第庚申選授戶科給事中奉命清理延緩倉場檢閱精  
嚴不避權貴時有苗中官者出督三邊貪縱罔法怨聲嗷  
嗷公即劾其狀邊人懷之乙丑陞刑科右給事中屢疏上

時務其均考察便解納備要害數事迄今行之正德初朝  
廷以舊德遺老起襄毅公為大司馬公例宜避言路改翰  
林院檢討奉命教司禮監官者戊辰襄毅公為太宰直弗  
媵阿中人亦弗干以私逆瑾忌之乃欲公納交以通公出  
入書堂絕跡瑾門戶瑾乃大怒曰謂我不能制爾邪乃矯  
詔黜襄毅公籍罰邊儲三百石竄公廣西全州判官欵置  
之死公歷險冒瘴與魑魅伍挺挺無戚容竟宜風土然納  
吉無恙庚午襄毅公卒公奔憂制終即官情泊如矣大夫  
人屢命之出公乃謂松臯曰公出處道殊動默緣性在各  
任其真耳予鮮合於人茲豈厭時侍大夫優游以樂足矣

汝含醇居宏無徃不可勉哉自是閉門掃軌攢修逖覽端  
嶠聖真罔深弗入乃遂受徒講道若將終身焉久之都御  
史張公檉周公倫陳公鳳梧王公蓋監察御史朱君寔昌  
張君鵬友章薦大要以公探頤研微見道淵邃可備顧問  
不宜置之間散時有詔守正不阿為昔逆瑾所斥者錄之  
遂起公為尚寶司丞非其意也復疏病還十餘年來公處  
時人兩高之壬午上今改元復起公為南京通政司叅議  
養晦存神獲屈林藪松臯公兼善匡時龍翔天漢一出一  
議公曰堯舜在上變契思奮斯其時也乃起從仕時講理  
學者北稱公南稱王陽明故公入南都一時江南士人多

趨席問難以聞所未聞咸傾心焉丙戌帝以文學侍從弗  
克經幄命輔臣各舉所知公被薦改侍講學士戊子為經  
筵講官素養閱博樂遇明主乃進講多所剴切據經引史  
出仁入義古昔興衰治忽之跡如指諸掌帝皆虛懷聽納  
退而加獎復上緝熙聖學四事一曰則圖書以明原道二  
曰主聖經以求道是三曰辨諸儒以祛道惑四曰屏雜說  
以防道害其於尊經崇聖闢邪衛道無不至焉帝以公留  
心理學益加眷注己丑命公主武舉試事尋擢太常卿掌  
國子監祭酒事公以道範夙願化機弗振乃弘獎風節絀  
抑華競以經世為士筌尊德為學軌故一時人士翕然化

之不徒敷化典墳涉志弛誦而已時太學生有遐方旅櫬  
暴露無歸者絕三十人歲時名字漫滅稽公乃以公帑羨  
餘購地塋之復察生理窘迫衣食弗給者數十人咸如周  
卹由是生徒感德懷服又奏職罷教職下稱者反劾勲戚  
習禮不律者乃一時成均條約肅然改觀因災異乃止乞  
察天道以平治道疏其畧云大君為天下神人之主情發  
中節斯用人行政順應天心陰陽和而風雨時矣帝加納  
之先是文華殿有孔子塑像帝歎從古易以木主公乃以  
所著道統書上之帝悅即撤其舊像立皇帝王師八主南  
向周孔二主東西向命輔臣與公九人瞻拜主前面諭之



曰朕奉先聖先師于此庶起敬慕以遜志于學卿苟其罔  
朕棄仍賜茶及禮神品物復命各為講章以進公衍中庸  
喜怒哀樂章入講帝謂公欲以一人之情通天下之情所  
言良是自後月朔望帝必躬祭事品物必賜公以為帝宰  
卯帝開講無逸殿宴幽風亭公與焉明日公以無逸篇中  
宗受命敷之講義以進謂民者天之心天心不離乎民中  
宗以天命度其身以身召其民所謂欽崇天道永保天命  
也帝善其說壬辰擢吏部右侍郎時天下入覲公門戶清  
肅入弗有私謁者嘗謂官之失德寵賂彰也况干涉公事  
以敗名憲乎乃具奏以戒諸司帝從之復上䟽乞休帝不

允尋擢南京戶部尚書公與松臯公居兩京大司徒又出  
襄毅公之後父子兄弟竝至八座前此未有縉紳榮之公  
蒞事無私與物以誠雖議諭激發而儀度宛綽僚屬靡不  
敬服有司厨軍陳秀者五百餘人以例更調營操而糧賞  
若不及各營軍士公與具奏增之他如倉場之弊無益之  
費多見裁省復上疏乞休帝以留都國計非公弗可不允  
甲午春二月公將朝賀如京忽一夕廢疾作卒享年六十  
有四嗟乎襄毅公有儒烈于王室有德澤于蒼生有氣節  
于名教公克肖之可謂無忝爾所生矣初娶呂氏累贈夫  
人繼娶李氏今繼陳氏累封夫人子四名領仁徹領先公

一年卒女四一適楊寅一聘候鳳二尚幼公天性孝友仁  
厚襄毅公疾昏旦弗離寢所服不解帶恒露禱于天疾愈  
始已及卒哀毀骨立絕至滅性事太夫人依依左右不忍  
離及遊宦違養累疏陳情乞歸帝亦感公孝思嘗稱卿切  
切以親老為念云襄毅公卒後公尚有五弟未成及與松  
臯公日夕訓正授以程式今廷載居鄉有令聞廷陳舉人  
廷章知府廷錄國學生廷義職方司主事皆彬彬以文章  
政事為時聞人等公授業師張公歿已十年餘矣貧弗能  
葬公至南都捐數金經理其事為銘葬之仍恤其家邑俗  
婚姻重財公刻意化之乃其女婦聘自酒壘外一無所取

今舊習章章變矣其敦重人倫以身率世多類此公平生  
不教數于文筆惟以踐諸實行達之世務為學嘗曰聖賢  
所傳心法六籍所遺訓典要在用世緩人耳苟無益于時  
文將奚為若公者謂之經濟之儒非邪惜乎天不假年柄  
用以酬其志耳所著有通鑑前編圖書管見道統源流詩  
考易叅春秋易見中庸本義太極論惟學編等書咸駭認  
精確論究詳盡弘益道林融通性命至哉浚川子曰宋儒  
力詆虛無以排二氏及自為論亦以太極人性為理墮於  
佛老而不自知後學習染深稔不能研慮攝契以辯真妄  
遂至淪胥為世大迷聞荒鷄而鳴焉適其時拾唾核而啖

安知其味不有豪矣以乎招於世則道曰支離將與二氏  
空虛之學同宗祖並塗轍矣豈不可傷公乃論大極曰氣  
理兼備不涉於無論性曰理氣渾全本無支離俱不可專  
以理言斯擬也詮擇精真解感千古卓乎命世之見矣正  
德末余行經歷靈寶會公談及諸儒理氣神性之誤公曰  
辨此何難若是除去神氣直問宋儒要那神與性理何處  
安頓便了乃與公相視大笑或議公撤孔子塑嗟嗟泥俗  
之見安可與論崇古之道銘曰大氣韞靈維嵩及河毓茲  
儒英高明含和履道冲邃守真深固出自纓簪風儀撲素  
襄毅岩岩勲在鼎常公乃克肖子闕有光漢之玄成宋之

純仁世濟厥美公實與倫人有恒言主不易逢公際聖明  
特契淵衷有懷斯亮有言斯從光贊衮黼懋昭其忠煌煌  
明哲旁燭世塗大易動靜恒與時俱時非我與吾從好  
栖迹立樊耽靜味道時會神熙雲龍附翮志存蕪善驅馳  
極世大雅中庸卷書合聖不執不流循道俟命鴻儀貞現  
恢映函夏彼獮介者亦奚足說去聖日邈作者伊誰不有  
豪矣道日以離探求氣本為理自出遂使儒宗罔感先釋  
太極性理卓有遺篇匪余之私百禩之傳

資德大夫正治上卿太子少保南京戶部尚書贈太子太保謚襄敏周公傳

毘陵唐順之撰

公姓周氏諱金字子庚號約菴其先武進人也國初有彦  
居者以呂右徙南京因家焉至公為都御史復還居武進  
彦居生贈戶部尚書道信妻贈夫人董氏於公為祖妣道  
信生贈戶部尚書廣妻贈夫人張氏於公為考妣墳墓皆  
在南京而公始賜塋於武進之惠化卿公自弱冠為應天  
學生弘治甲子舉鄉試正德戊辰舉進士擢給事中陞太  
僕少卿僉都御史轉副都御史致仕家居六年以薦起為

副都御史陞兵部侍郎轉右都御史尋轉左陞尚書南京  
 南京公所生長也因得焚黃先之墓南京人以為榮公之  
 始為給事也於戶右所工左於兵復都於戶左歷三科為  
 都御史也僉於延緩副於宣府於保定右左於淮鳳左歷  
 四地為尚書也於刑於戶左兩部公所歷多在錢國刑名  
 兵戎劇會與邊復要地而公所在著績當時稱為才臣者  
 三十餘年為人闊達警敏自在科中則已練習人情世務  
 章數十餘上度可施行而後言不效于生敢言而已武朝  
 數游幸晏朝公上疏請復常朝之規退則躬覽章奏以總  
 權綱亦頗見采納時貴寵用事國儲嘉於冗食公言京糧



糧歲入三百五萬而食者歲乃四百三萬乞痛如澄汰便  
又言中官以迎佛以織造濫討引鹽暴橫道路及言武學  
生籍口考察陰擊大臣鼓喉為奸宜窮治其罪又言都督  
馬昂納女弟後宮外議或云已娠請誅昂而還其女後昂  
雖不在而女竟被黜及公沒禮部為公請贈益亦獨以公  
為給事時能陰銷宗廟禍孽指此疏也方是時安幸相繼  
擅勢尤與言路為仇不旦暮死則竄少能全者公在科九  
年卒以老成周慎免於戮辱而以久次得擢為太僕公貌  
瓌偉喜議論其在科中每九卿廷議軍機大事邊境要害  
衆輒目屬公公口對甚辨聞者莫不心愜至申狼山之捷

兵部議有功將士例陞三級公笑曰不然將士有實職有  
虛銜有正副叅遊實職大而虛銜反小有管哨管隊實職  
小而虛銜反大今一例陞級則管哨以下皆可為督府而  
叅副以上或止則都司首尾例置非便後衆是之癸酉廷  
議用兵土魯復哈密公極言西邊德虛懸而土魯險遠且清  
海之賊窺伺西寧乃欲遠極哈密譬之人家囊篋空虛子  
弟穢獲疲死而盜賊蒲門廷將極門庭之寇乎抑急北隣  
之災乎衆曰是則然矣如土魯索金幣何公曰彼能效順  
國家何愛於賞不然勦之未晚也已而卒從公議于是衆  
以公可屬邊事推延綏則推公推宣府則推公公既家居

廷臣交口薦猶尚以邊事也公在兩鎮值寧夏甘肅大同  
三變之後公旣素豁達不拘謏有司臣體裁又善照愉接  
下邊人見公色詞旣已心安公公益務寬簡繩法以休悞  
駸人帖之嘗歆咎一二走卒時窮冬多不袴公見之惻然  
曰邊人窘乃若是遂不忍咎而百方爲之招商聚粟廣屯  
積芻以時給其食使人有重生之心又爲之葺墩墻以衛  
其居䟽石渠以足其水凡有規畫期於利盡而人不勞邊  
人益愛公嘉靖甲申公在延綏會大同殺都御史報至公  
愕然因入靜室蹢躅久之喜曰吾得之矣乃開門召諸將  
吏軍卒盡入環列庭下謂之曰若輩知大同殺都御史乎

衆曰知之公曰若輩以殺之為得已耶非得已耶衆叩頭  
曰狂賊自取族耳尚何道公曰不然邊人勞苦甚矣而又  
虐使之是趣之殺也假令上下素相愛若父子彼將倚以  
為命縱授之刃使殺焉其誰忍乎衆大懼呼叩頭退當是  
時以片言立解上下疑阻公自喜得應機之知公居家時  
數嘗為余言之其在宣府總督馮侍郎以苛刻失衆心公  
數爭之不能得侍郎又以引鹽數萬與其私人為市而平  
時商人無能得一引者衆固甚怨會諸軍詣侍郎請糧不  
得且欲鞭之衆遂憤轟然面罵因圍帥府公時以病告諸  
屬奔竄入院泣告公公曰吾在也毋恐即便服出坐院門

部署方畧較諸將程期論罪輕重覈首功虛實策賑濟防  
禦諸便宜議上當人人心無枉撓聞者謂千鈞一發飲羽  
虎狼無問狸狎矣先是虜入上谷公上言匈奴日伺邊必  
求再逞乃今易置宣大總制用翁萬達易置本兵用唐龍  
萬達方撫關中不得代宜未即至龍以終養去母在宜未  
即來假令稱兵其何以應倉卒按祖宗法宣大設總督  
軍儲侍郎一人貳總制京師設提督團營尚書一人貳本  
兵分任事權相表裏無事則戮力共濟有故則可攝而代  
之復之便當事者計非急持兩端其後虜犯京師卒用公  
議公在近侍七年出入唯謹即有不測獨由由然應之袁

州中信姓州

先帝怒甚收信州及建議復河套者併建言

官杖之廷公頓首曰臣固當咎謹待罪出而參知江西致

事居頃之罪囚王連遣子叩關上書誣執故都御史胡纘

宗誹謗故人大辟辭連刑科公以故刑科都給事中當就

對簿先帝甚怒人人自危公頓首曰臣固當誅謹待罪

及事釋卒未嘗以喜愠示人既畢親喪補山東職如故大

盜師尚詔起歸德趨山東公以部子弟戍滕張武備甚具

賊遂卻尋受禽公以保禦功賜金論賞進浙江按察使蓋

當輻湊之衝鄉人往來部中趾相錯部中權豪多闕說不

避惠文公戒閹者毋入鄉人謁毋入闕說者書即權豪面

謁欲言有曾未得一開口既又發臨安故給事中高時奸  
狀械送京師無何進四川有布政使以採木論賞復賜金  
無何轉雲南布政使時多徵發民將不堪公愀然曰滇即  
小饒直蝸濡耳蝸不轉則活轉則中乾此誠藩大夫事乃  
會計全力什五自給什三轉輸什二備歲凶佗不意今既  
布滇人至今便之已未入朝麾覽庫羨餘弗納尋進應天  
府府戶已復進都察院右副都御史巡撫貴州  
貴州夷部錯居故患盜殿最捕盜諸吏士視獲盜多寡為  
差諸吏士或掩不辜求逭簿責公遇文致不辜者立釋之  
阿堂攫印搆兵楚蜀騷動公謂有苗視印為向背請降新

印令反側子自安毋勤遠畧為也容山曾韓甸竊發公徵  
兵遣將討平之斬首二百有奇甸就縛

先帝賜金幣下兵部論功人言歲終類奏功故事猶得任  
子今大捷宜視昔有加不然則籍子弟置有功部中亦得  
迎賞公謝曰臣奉

天子威得德罪人固諸將吏功臣何敢為子孫地已進大  
理寺卿尋進戶部左侍郎賜金幣會袁州得罪去變置諸  
大臣公進南京戶部尚書蓋一歲三遷矣公棄兵變後主  
度支體國撫軍不遺餘力尋以疾乞乞體骨先帝優許之  
上即公位初廣厲言路諸大臣徃徃中多口唯公保身名



完卽公無所瑕疵其決筴蚤矣家食五載跬步未嘗出戶  
庭茹淡服䟽將令後世師吾儉公配方氏封孺人子男四  
人女三人孫男十五人女十三人曾孫一人門內不啻五  
千指承家一切務馴謹所謂得全全昌非邪會兵部左侍  
郎棠樾鮑公致仕歸公宗人也鄉人嚴事二鮑視漢司隸  
同乃若明哲保身則過之矣歲朔疾風自西北起占者以  
為咎徵月將終兩公相繼卽世吁嗟嗟異哉往不佞從公  
上計京師公以讓名語不佞聞者莫不誦說語在著論中  
時執金吾使人饋公公出小錯刀勞使者客言執金吾有  
寵公卿大夫爭自下之今使者來母已薄笑曰鰕生視此

下薄顧謂使者薄之乎公與人遊遊然必軌于正義此其  
大率也嗟乎公往矣上之則國史書庸下之則學士大夫  
誦義凡有心知耳目者莫不見聞不佞備在婚姻無能揚  
擢萬一謹撮其較著者內之坎中墓在宋村某向銘曰  
奕奕大韜篤生純良翼我

先皇入侍承明言中國經邦之直臣周旋四服澤流比屋  
施及殆殊俗用武黔中振若發蒙恂恂讓功

高帝舊都九州上腴作大司徒引身請老榮名自保宜爾  
壽考歲事在龍吉士罹凶邦人改容帝心則恫乃命司  
空作爾玄宮玄宮楚楚九原膺膺奕世昌阜

南京戶部右侍郎李公傳

公諱和字本中安陽人也天順元年進士授吏科給事中嘗論事忤旨廷杖幾死遷都給事中通政司叅議右通政每居一官積年不徙成化末李孜省以左道進而大臣競樹黨中官梁方等用事最後萬安有寵士大夫躁進者各擇所從朝合夕遷靜正淹滯卿有齊某者閔和久次謂曰公常恬如將俟河清邪今諸貴人亦素敬愛公持二帕贄造請食頃耳而卿佐可得時乎時乎可隨而不可與之翻也和謝曰吾譬之婆黑髮守節皓首乃求聘乎退謂所親曰吾見附人者有害亡利無何有郎中素結倡優進欲為

通政乃傳旨遷和為南京戶部右侍郎以彼代和至戶部  
六閱月而卒和豐貌恢度雖倉卒言色罔躁喜愠莫顯然  
內含獨朗事低昂及人賢不肖不失分寸父光道得痿疾  
彌年和自奉養躬止溺器久益虔儉薄不計生產與李賢  
耿九疇相友善二公皆謂和量如韓忠獻云

論曰吾聞李公立朝三十年始遷卿佐泊然無所干請蓋  
其性不競不激含蓄光景如澄淵亡波珠玉自瑩文達清  
清惠之稱豈虛語哉

通議大夫南京戶部左侍郎全椒馬公神碑

武進王僎撰

南京戶部左侍郎致仕馬公以成化壬寅十二月二十四日卒于家訃聞命知和州葉睦諭進士王琳營葬有曰其子永賢乃持葉知州狀謁予請銘公諱諱字子諒其先汴人六世祖必與仕宋江淮統制因家于滁之全椒必與生天麟元江淞儒學提舉高祖正甫龍興洛學教授曾祖信叔登延祐進士第元季優伯祖倅九成舉義從太祖高皇帝渡江累建奇勳授金牌萬戶與陳友諒兵鏖戰鄱陽湖死之上憫其遺孤賜居和州故今和州人祖九思考雲以公

貴贈通議大夫應天府戶祖妣鄭氏贈淑人妣徐氏累封  
大淑人公生之前一夕大淑人夢月入室淑祖澤聞而異  
之曰顯吾門者必是兒也自幼聰穎絕人書數百言過目  
便能成誦七歲入家塾十五入州庠初習書禮二經後專  
攻於詩宣德壬子領鄉薦癸丑中進士第觀政戶部督賦  
廣藩丁外艱服除授行在吏科給事中數陳時闕切知大  
體奉使山右藩王恪謹禮儀賞賚一無所受正統甲子  
陞山東布政司左叅議景泰辛未陞順天府戶天順丁丑  
陞南京戶部左侍郎三月奉表賀闕下陳歸省寶鏹之賜  
六月丁太淑人<sup>憂</sup>庚辰召至京蒞事戶部壬午復南京戶部

癸未滿九載上疏乞骸骨詔許之蓋公尸應天時嘗忤權  
貴思有以中傷之中矣至是以公老疾為言而公年總五  
十八實未老士論惜之公為人精敏究心吏治其始至山  
東也循行郡邑訪庶政得失察百司賢否廢興黜陟悉協  
公議會河決張秋朝廷雖遺天臣治之然分理之務多出  
于公水訖不能為患正統末胡虜犯邊降虜安置山東者  
欲乘機為亂朝廷為憂之以勅諭三司戢民守城公曰此  
勅不可使聞於衆俄有馳生擒胡寇文移至者乃集衆諭  
之衆咸帖服民有惑於後妻而欲置子於法公喻其父母  
曰昔夫子為政誅少正印而宥不孝以教令不明也今爾

子有<sup>凶</sup>德乃吾屬教令之失非由爾民之罪也其父母感  
悟遂請釋之還為孝子有民婦與夫兄有隙而縊殺其子  
姦人之婦而殺其夫匿其碑券以強占民田盜米廩餘地  
以廣其居皆久訟不決公一訊即伏其辜歸其侵地而於  
負冤者尤力為辨雪比至應天府事填為公裁決如流案  
無留牘漂水民素健訟一日投牒至八百公視其虛實而  
異置之召訟者曰某也實某也虛則受笞實則待勘民願  
受笞者七十八待勘者不一二焉其俗人死而利其妻者  
出棺斂之人已復棺復有在官至者妻欲嫁後至者用其  
棺而先出棺者訟于縣不至直復訟于公公責令曰簿俗



不能禁民死無所歸安用令為仍杖出棺者以棺給貧民  
而歸其妻所親使俟終喪別適焉六合貧民與其弟妻同  
劫人三斛粟事覺當棄市公曰以三斛粟而殺一家三人  
吾不忍也乃為出其弟妻其人臨行號於衆曰吾死無所  
憾但吾尸之德無所以報爾旬容有因人死而棄毀其屍  
者所司擬以支解人罪獄上公不可曰死後棄毀詎可與  
生前支解同科為輕減之先時堂鈔獨歸于尸凡有供需  
悉出倚郭二縣民不勝擾公至一無所取分給僚屬之餘  
則儲以備燕饗饋贐又積其餘以為工傭之費名曰公餘  
錢九重建府脩葺廟學創立貢院皆取給於此無勞民傷

財之惠既而擢貳地官曾未越月綱紀秩然政有未便者  
條陳於上苟益於時無所顧忌先是為叅議時陳撫安軍  
民五事府戶秩滿陳卹民十三事朝覲至京又陳便民九  
事上覽疏嘉之多見施行蓋公歷官中外餘三十年門買  
無私謁謝事而歸囊橐蕭然田宅讓諸弟姪別建居室少  
買田業治常產而家綱紀之僕多之自綜理暇則閉門焚  
香緇閱墳典課子姪業明經而已當道至至訪以時事輒  
謝曰老耄無所與聞與守成言無一語及私鄉人以托請  
至者拒絕之或以利動則曰吾後事具矣安用此為其清  
節雅操至於老而不變公素感末疾至是復作召子孫語

不明 命先生勘之乃勘得應處雜犯死罪者五十人應  
徒者二十二人應杖者二百二人應笞者知府以上官二  
員應叅者十二員應紀錄者六員內究問畢知府以下等  
官七十二員乙酉正月事竣至京蒙欽賞鈔一千貫羊一  
隻酒十瓶及朝見復 命又蒙賜酒饌初先生行言者謂  
事宜深究或曰事干親臣為先生謀宜姑息之而已或曰  
姑息失職秉公失利以兩無所傷可也先生舉弗聽一以  
直道處之故公罪昭然卒當上意士論歸焉十月先生歷  
俸三年考績給 誥命進階通議大夫加贈母及二配皆  
淑人廕男輜為國子生丙戌肆月欽賜 睿宗獻皇帝睿

筆大書清平正直四字五月欽賜文獻通考一部百冊六  
月欽賜敬一箴一軸七月欽賜御製洪範篇一帙是年冬  
克正使持節韓府冊封辭贐如前丁亥四月陞南京戶  
部尚書及赴任該司送命下阜隸俸銀若干兩先生不  
受令備諸修理公用南京故事食時入衙視事未午輒散  
去先生乃平旦入衙午後方散一時南京諸卿佐皆早衙  
而晚散焉在部二年所積羨銀至四萬八千餘兩奏准天  
下犯罪贖金俱納粟穀以備賑濟又各處鈔關商稅羨銀  
舊聽召諸把總官揚罵曰是若輩剝削之過不然諸軍豈  
不自愛而至此歎盡痛鞭之軍士聞公不委罪若屬也則

氣固已平乃擁跪而前為諸把總請曰非若輩罪也是總  
制者罔利不卹我衆耳公從容懇諭以利害衆囂曰公生  
我始解去而總制自是亦心愧公言宣皆虜衝公內撫軍  
情外策強敵闕城晏閉邊氓緩帶兩鎮四五年訖無敗事  
人益以為才然公他所施設其與公不同趣者或不能不  
以好惡為贊毀至論公長於治邊則莫得而訾也其始至  
延綏會總兵且入鎮諸徧裨歆空城遠近之公曰脫有警  
柰何時暑月衆以為決非虜入寇時公曰安知無謀者矚  
我虛實乎命諸官各留一人而我遊擊張鳳出迎毋得過  
三十里是時諸生長邊者皆竊迂公明日虜果犯紅山墩

去鎮僅七里諸官留者出戰而遊擊自三十里外援之虜  
駭我有備遁去衆始服公之料其在宣府以生禽虜首一  
人斬級十二人受紅繡襲衣之賜自公去宣府八年而同  
大復殺總兵據城亂公時起巡撫保定矣遂往扼紫荆擒  
大同謀者數人送京師會真定巡按李者有疑疾入某邑  
聞銃聲已邑令謀已欲扶死之廣平守爭之又以守亦謀  
已至遣吏發卒圍廣平捕守一城盡空公聞變星馳往撫  
定之上章靈巡按罪狀而臺長庇其屬為之訟寃公復上  
章力辨廷論竟直公而黜御史巡按於巡撫為同事而臺  
長又於公察長也公本通達不務為崖異立硤硤名然利

害大体所在不肯苟為媿媿此蓋公所難者其矣都御史  
出鎮淮淮當士大夫南北衢地過者或不愜所望則益易  
為謗然公自如也丙申童聖梓宮南柩始奉旨由江而諸  
護行大臣至儀真議從陸諸官心知不可而憚於以身任  
江行之險悒悒不敢出語公獨力爭之極言沿江山險路  
不可通狀具奉玉体馳峻坂上下撼頓萬一聖情聞之悲  
惻柰何議論往返數日而諸大臣亦密遣人探沿江路果  
險如公言乃決從江之議以鑿絙維舟行如期至承天遂  
如期以葬蓋上慰天子孝思而沿江千里居人免於伐樹  
發屋役夫數萬人得無走死山谷中公於是有力焉及為

刑部書轉戶部益共於其位乙巳致仕歸武進歸年餘而

病卒年七十有四公性喜讀書雖裨官小史亦用以資其

經畧有喜為詩歌羽檄倥傯中率不廢詩上谷榆陽稿皆

成帙也善自書有晉人風骨其罷宣府家居好焚進後輩

與人言娓娓不厭與士人言言讀書與俗人言言勤業莫

不取其有益是時余以諸生候公公過侍以為國器及入

仕途公每遺書誨以經世之學顧樗散無能自效於公者

公且死以傳文見屬余不得辭也公早失父母事兄長至

老以友愛聞平生儉樸既已貴其自奉如居約時獨祝先

疑客則極豐潔曰賓祭重事也年五十遂獨居未嘗畜媵



妾教諸子愛而有法一飲食必有訓自公既沒天子賜之  
葬祭贈公太子太保謚曰襄敏嗚呼有謂有始有終者矣  
妻夫人吳氏子二人仕為都督府都事偉太學生皆好禮  
讓能世公之家者也

浙江圖書館

浙  
江  
書  
局



浙 江 圖 書 館

明故資政大夫南京戶部尚書贈太子少保養齋徐

公墓誌銘

張袞

嘉靖乙巳冬十月資政大夫南京戶部尚書養齋徐公乞骸骨歸于毘陵居四載薦者章凡四五上 天子思公將倚用之而公疾作又一年而公亡是為庚戌春正二十六日明年辛亥其嗣子天衢啣恩赴闕 上命有司治祭葬如例勅贈公官太子少保以其年冬十一月某日塋公于九里之新阡享年七十有一維茲墓中之石某何能為役獨知公為深謹按公門人吳司諫希孟狀序曰公諱問字用中甫弱冠中弘治十五年進士除廣平府推官秩滿召

為刑部主事歷員外郎郎中丁父憂服闋改除兵部車駕  
司郎中尋遷登州府知府以才劇調臨江二州之地瀕江  
海林莽箐深推埋剽盜馮以為淵藪公以方略招撫禽獲  
亡慮數千人增築臨江壞堤七十二處水行陸棲坦然如  
在郭郭長蘆鹽運司使缺財利之區名易汙染人情多不  
樂為公自毋憂再起受命獨欣然曰吾將以薄躬清是官  
也繇是使之名始重居數月轉廣西右叅政調福建再轉  
廣西右布政轉左廣東公既馴致大僚能以自任一方利  
害西鄙險阨苗犛嗜殺妄邀功賞患結不細公竭意按論  
之其焰乃息蠙珠真香號產於嶺南中使絡繹而至採獲

不中巡按御史憂之將以責諸賈公爭曰珠有禁如是不  
趣賈為資耶惟令所產而獻某不敢避罪公當部叅蒙  
上鑒宥識者躋之是歲入覲吏部簡天下才廉吏若干人  
以聞公在首列 上賜宴寵以章服尋被簡命擢都察院  
右副都御史巡撫貴州貴跨連滇楚蜀廣四省夷俗獷悍  
其人多帶刀挾矢而相毒噬公至申明鈐轄布恩信示禮  
義率其不良漸歸于化獨山土酋蒙鉞殺父以叛公提師  
誓境上親執桴鼓勅諸將吏一鼓而元兇就戮捷聞 上  
賜璽書褒勉白金若干兩文綺衣一襲尋陞兵部右侍郎  
公佐本兵盡心國事上安攘大計凡八條一時貴帥不敢

鑽穴以入未幾公以疾告家食凡十年詔復起公為南京  
禮部侍郎居二載進南京戶部尚書方半載而公復歸矣  
祖道之日群公卿大夫士莫不嘖嘖嗟為勇退近罕見云  
公自起家法曹斷獄具文不為苟比當權倖縱橫雖甚威  
力臨之屹不為動見上官論事侃侃不阿所蒞之處輒先  
風俗講求禮樂學者見其言與行莫不歎為復見三代遺  
風每讀書心有所可否即箋註之為讀書劄記續記與四  
方共評之儒學文章儁賢偉異之人公心厚附引以自助  
惟恐名不高著居官前後四十有八年乞休之章九十有  
一類盤桓不進忘行道者由君子觀之盤桓不進所以行

正道也輕進而易合豈得為道乎居鄉苦節自守如其在  
官每過往還之家見華饌愀然臨觴而不食或勸之功託  
辭曰吾今日心禱當茹素也里中從公而化者稍稍有矣  
平生不治產業家有白屋數楹農田不滿五百畝又割若  
干畝以贍族人事寡嫂處同胞弟曲有恩皆可錄之以為  
世勸公之先淮人自宋高宗南渡因著籍毘陵伯祖某湖  
州府推官高祖而下三世不顯祖諱毅父諱玉建安訓導  
以公貴贈如公官祖妣某氏妣陶氏俱贈夫人配褚氏封  
夫人子一殤以從子衢為後蔭授南京左軍都督府都事  
女四人庠生蹇國秀太學生胡冕順天府經歷董士奇庠

士王維屏其壻也嗣孫男女凡八人銘曰孰不為仕仕顯  
而沃忘其有弼公獨不然兢兢業業率履不越瑩然皎然  
素華白璧孰不為學采掇浮葩曄然而已公獨冥搜思皇  
真矩九師讐之百氏攘取訂其不疑心獨自許希聲未亡  
黃鍾大呂公身雖亡公名盈耳過其敝廬覽其遺趾清風  
載途如靄蘭芷維皇卹典賁于崇丘爾舊爾勞曷焉以酬  
錫之嘉命少保是優匪以私寵爰勵臣脩蹇予載筆庶幾  
不愧直方而大曰儉曰惠廣以成之道斯攸萃譬其若曰  
發光幽隊



資政大夫南京戶部尚書書庵盧公墓誌銘

潘恩

今上皇帝以聖神文武之德首出庶物繼序統天開嘉靖  
太平之治古今鮮儷方具龍飛之始已惓惓疇咨俊乂  
蘄立治功歲癸未大廷策士四百人取士於斯為盛迺  
今四紀于茲宣力効忠奔走贊取潤色鴻猷煥乎可速者  
惟是歲得人為多致位六卿之長二十人焉屈指前后賢  
科所不能及也傳曰天降時雨山川出雲耆欲將至有開  
必先夫其乘躡熙隆之運會聚乎感之幾詎曰偶然已兆  
於登進之日之始矣若南京戶部尚書閔中書書庵盧公者  
蓋其一焉公諱紳字汝佩書庵別號也上世陝西咸寧人

自昔李唐時已為顯姓號曰崔盧葉布技流宅于茲土高祖思忠曾祖椿祖興父旺四世不仕咸有隱德聞時祖若父以公貴俱贈通議大夫戶部左侍郎祖母李氏母周氏俱贈淑人公少而穎敏潛心問學稍長益自刻厲博覽典墳為邑弟子員選入正學書院纂脩雍大記諸書多所撰述大復何公漁石唐公相繼督學咸鑒識提衡焉元年壬午舉于鄉明年舉進士授四川遂寧縣令公廉勤自勵道務中庸政先牧愛雖無皎皎之節赫赫之威以炫耀觀聽豪強姦蠹必寘於法罔有攸貸治教大行邑人戴之宛若慈母迺有六異之褒膺臺薦僚案燕賀于堂適有雙鶴之

祥皓羽蹠躩自天而下鳴舞移時始去咸謂瑞徵瞻彼中  
庭爰有樹桃仁恕感孚遂致山雀之應二歲來巢馴擾孳  
育可俯而闕邑瀕大河曩有洪水之患公築以巍堤植以  
密柳水害永消民受其利會蜀連年青災飛蝗滿野獨不  
入縣境衆咸唵嘆焉六載之間折獄明允無橫罹刑辟者  
庶幾畫象之風歲旱大雩素衣徒步禱于群祠輒有其澍  
之霈維此六異縉紳之士揄揚盛美播之聲詩逮成簡帙  
循政感下之神民黎慕德之厚人胥頌之戊子 召入拜  
工部主事治水呂梁有功無何父喪去任辛卯服闋補官  
癸巳徃督杭州竹木廠公懲曩時摧筭太嚴之弊立法寬

平商民感德材貨雲集 國稅饒裕焉甲午進拜員外郎

督造臨清等處執料兼理衛河提舉司時大工孔亟磚用

數倍常額公經理維勤蠲省煩費百工若商便之運不稽

留事有攸濟 上嘉悅游錫銀幣有差丙申進拜郎中管

理 九廟 慈寧 慈慶兩宮勞績懋著是歲 廟工成

加俸一級季年戊戌 兩宮工成陞二級會繼母王淑人

卒去任公事王淑人無異所生周淑人人稱其孝云辛丑

服闋擢湖廣按察司副使撫治荆南荆州當諸路之衝軍

民請襍重以水旱災傷道多流亡奸究竊發號稱難治公

加意教寧鎮靜不擾豪猾巨奸廉致於法一道肅然無敢

玩易者撫屬界連川貴酉永施瞿諸夷構兵連歲不解天子怒下守臣委公會兩省勘議公首宣言於衆曰夷信大羊先王以不治治之若繩制太嚴恐生他虞不若開諭利害俾罷兵息民足矣衆從之諸夷帖服竣事癸卯少司空陸石涇公奉命修理顯陵檄公總理工務會計督治翼翼成功上有白金綵幣之錫甲辰擢江西布政司叅政分守湖東瑞州寇起公單車往諭解散其黨歲侵民饑賑恤有條全活者衆丁未擢貴州按察使清平衛指揮某者暴虐貪婪激變軍士連結諸苗為亂公驅車入城執首惡以泄群怒申國典以示更生梗化之徒感泣散去紀

法肅然戊申擢山西右布政使庚戌改山東左使 宗藩  
歲祿之供邊關兵馬之餉諸務旁午公調停區畫咸麗厥  
宜辛亥進擢順天府戶持守剛方勤恤人隱時有勲貴人  
方權傾中外倚勢欲奪畿內民田數百頃者闕說京兆公  
力拒不顧人以為難壬子擢戶部右侍郎甲寅改左侍郎  
總督倉場兼理西苑農事申明舊章釐革宿蠹清查積貯  
附餘米十餘萬石以裕國除然持法過嚴同事有銜之者  
矣是歲三載考績蒙 恩錫命上及二代錄蔭洪先為  
太學生居太倉三年洊承 特遣及銀幣鈔錠羊酒之賜  
丙辰超拜南京戶部尚書定立章程約束悉鑿鑿可行丁

已循例自陳致仕 上賜允歸築草堂三楹讀書其中堂  
之前鑿池畜魚栽花藝竹興至則與二三知友飲酒談碁  
論文話舊日以自適公儉樸冲澹誠恪簡夷於世味泊然  
絕無所好雖囊無餘貲廩無餘粟而散財喜施不責償報  
蓋其天性然也嘗謂人寧負我毋我負人寧我容人毋人  
容我其德量宏大衆嘆服焉立朝正色直諫侃侃不阿一  
時善人君子交口言之而沮之者亦力家居孝弟肫肫事  
父竹軒公先意承志罔有所違伯仲二兄蚤世撫其遺孤  
授以恒業教之誨之不啻己子關中人士稱之謂為不可  
及云其敦薄化漓之風油油然可想見也為文章不事藻

繪詞旨皆關世教諸體詩秀發簡嚴庶幾杜工部之風遺

稿有書庵集讀書錄讀史日錄藏於家辛酉九月二十二日

疾卒距生弘治辛亥十二月十二日享年七十有一配林

氏貞淑慈惠婦道母儀皆可作式累封淑人子男四長即

洪先官生林出次洪楚府學生側室施氏出又二人早殤

女三長適庠生蘇幼方次適庠生張榮次幼未字孫男一

承光孫女三明年壬戌九月洪先以其事聞于朝下禮

官議詔有司治葬如制賜祭者二贈某官卜以某年某

月某日葬于其原祖塋之次迺持所自著狀請余銘余與

公有同年之雅遂不克辭迺次第最其行曰公之名氏若



號蓋師法孔氏之門而服膺忠信薦敬之訓其生有自其  
出有為蓋開先於聖作物覩之期而克肩明室棟搆之任  
者也邑令以循良稱卽署以才名顯藩臬進陟叢績彰聞  
九列載登景勲弘附懍懍乎一世之勞臣矣嗚呼偉哉又  
為銘曰倬彼盧公為時臣宗雍雍其度肅肅其恭三秦僑  
又天路登庸敷歷中外隨在奏功我明八葉 天子神聖  
龍虎風雲氣求聲應公擢首科暉光朗映先後奔走勞績  
孰競百里絃歌惠澤則那冬曹歷試賢譽孔多叅藩秉憲  
政理人和階聯八座榮如之何自退名成既膺壽祉還歸  
帝鄉白雲施靡維 皇念功卹典駢只我作銘詩以告來

祀

浙江



浙江圖書館

明故資善大夫南京戶部尚書鮑公墓志銘

汪道昆撰

今上二年春正月己卯南京戶部尚書鮑道明卒于家

上輟朝諭祭壘如令甲有司舉葬事尚書子梁擅槐朴謁  
所親都察院右僉都御史汪道昆為志為銘尚書公字行  
之歛巖鎮人也鄉人故多公長者稱三峯先生云公父封  
兵科右給事中諱榮芳母封孺人出汪氏弘治癸亥五月  
某干支公生端靖自如不受狎侮稍長受博士春秋嘉靖  
甲午南海倫公茶陵張公出典南畿試事得士為多公舉  
第四人士譽歸公久矣戊戌舉進士授行人三歲進戶科

給事中再歲進左給事中尋進刑科都給事中當是時信  
州袁州爭政言者率揣摩希望各中其驩其或浮慕骨鯁  
之名排擊紛起公獨正色中立或以言責詰公公謝曰  
主德聖明臣愚不足以奉明詔如使株連毛舉徒自託于  
直言臣雖愚不欲以此傷大體會御史奏延綏失事巡撫  
都御史以捷聞

先帝命兵科右給事中蒞視之尋奉 璽書往公徧歷塞  
上閱虜出入諸鄣塞亡人畜多寡有差按軍府以後事姻  
戚以候疾至者亦語如平時乃促沐浴衣冠端坐而逝春  
秋七十有七卒之又明年正月病卒葬厯陽山祖塋之次

配王氏封淑人先十四年卒子男二長永賢王淑人出成  
化甲午中景公為人厚倫重誼以孝事親恭兄友弟撫遺  
孤接族姻皆篤於恩意與人交悃尚道義處同寅和而有  
節御屬吏嚴而不刻故其處為名士其出為賢臣德器脩  
于家勲業著于朝名聲彰于時雖去不待年用之不究其  
才然舉以儕之古哲聞人於公復何歎焉是宜銘銘曰馬  
氏世胄實基于汴滁和再遷繼世途顯維公祖考蓄德弗  
施慶鍾於公乃荷寵綏公才夙成決科從士黃門顯秩銓  
衡是滋出佐魯藩入戶舊都帝曰汝賢哉我司徒輔理宣  
化裕民足國魯幾何時有煇厥績比臺之召尋返于南去

險即夷公至所其公年未耄超然引退說間雖行君子所  
貴右有名言保晚節難幽室全歸亦罔後躋寵終有思裕  
有譚太史作銘垂耀無極

浙江圖書館

南京戶部右侍郎侯公墓誌銘

程文德撰

通議大夫南京戶部右侍郎侯綸字廷言號莎亭山西太原左衛人中正德庚午鄉試登辛未進士初任戶部浙江司主事調兵部職方司奉

璽書選京營軍再調禮部儀

制司尋陟員外郎丁丑提調會試事又陟精膳司郎中念母張淑人卧病上疏歸養銓擬擢貳卿寺公辭遂拜湖廣按察司副使嘉靖己丑遷遼東苑馬寺卿撫臺交薦補陝西苑馬寺卿及守淑人制終授陝西左叅政擢山東右布政尋轉左布政進都察院右副都御史巡撫畿輔進兵部

右侍郎尋聽調家食者三年改南京戶部右侍郎總督糧  
 儲公手神朗秀襟度豁達出仕有廉介之美譽秉忠孝之  
 大節署倉帑革宦豎之弊入會閣彰應變之才力除時政  
 苛刻議 奏釋俘罪妖言南漳歲飢民至流徙遂繪圖以  
 獻 當宁惻然發帑公糴全活甚衆遇 顯陵之役 廷  
 遣重臣臺諫議當以屬公遂 奏毋採辦夫匠數千更役  
 省費大功告竣公力多矣及參關中同州民有訟田詞連  
 秦藩數年不決公遂明斷秦王稱謝總藩山東北虜內侵  
 列郡騷動乃條簡要數事人皆無怨為都御史巡撫京畿  
 值歲歉即請發通倉粟數萬活民窮歷京東要害之處疏



請密雲守將兼制黃花鎮以便緩急識者以為至計北虜  
再犯山西遂上疏請屯田兵要區勿令分布自弱時穰確  
論兵部侍郎時以為今日急務貴在振京營重根本擇將  
帥明賞罰中外聽之遂改南京右侍郎督糧有道盡心國  
計周咨出納利病亟為興革一時咸相與嘆服謂公通賸  
炳幾任真守介當介為之罕儔生成化乙巳卒於嘉靖庚  
戌夏五月四日

浙江

浙江



浙江圖書館

南京戶部右侍郎黃公墓表

公姓黃氏諱琛字廷獻延平將樂人其先有諱伯固者仕  
宋官至兵部侍郎卒贈少師謚忠簡兵部生謹官通奉大  
夫自通奉至公之考凡八世皆不仕而有令德公自少已  
脫穎流輩弱冠舉鄉闈正統己未舉進士授戶部主事陞  
員外郎即中當是時淮陰金公濂爲尚書以嚴憚御屬於  
人慎許可獨器重公蓋一時察察稱刻廉彊幹不蓄宿如  
公者不數人故士既譽公而益多金公之知人景泰癸酉  
陞江西左叅政尋陞左布政使丁母憂改浙江閱月陞今  
官猶食從二品祿三載獻績且行屬有勅命公巡視四

四川勿朝仍用績最賜 誥命進階通議大夫贈封其二  
代考妣及妻以褒之蓋公自壯歲登朝別歷中外幾四十  
年隨其所至旣懋建勲業然憊心罷精亦良自苦矣頃自  
四川歸其神宇漸不類徃時旣屬疾寢劇猶日坐臺經國  
用不輟是日亭午始命肩輿返私第夜參半而公卒矣成  
化癸巳三月念三日也壽六十有五公始為郎署時嘗領  
部符監揚州商舶稅督天津八衛及河南郡縣兵民歲所  
輸束芻奉 璽書清理蘇松諸郡糧儲先是巡撫工部尚  
書周公忱以經畫致富美所在廩庾克溢蓋上雖足用而  
下為豪猾所侵漁者亦不貲公至爬梳抉剔不遺餘力旣

盡祛其弊而益廣其所為利公之公遂寢有聞比至江西  
以先聲所至為民所信服贛州嘗有盜數百人剽掠其鄉  
邑武帥期盡勦滅之公曰此良民也第迫於飢寒爾竟單  
騎抵其境諭以恩信擒其首惡者數人斬之餘釋不問而  
益戒州縣吏俾恤民民益大感悅戒無敢為鴟義者公平  
生蒞政其嚴辨悉類此及佐地官又一從簡易天下大計  
公第總其綱懲其吏胥之不法者其分理庶務皆以屬幹  
時通才曰吾无庸警省也時議者竊謂公年向衰亦倦於  
勤爾至聞公在四川繩糾激揚電擊焱馳周行拊循恩施  
惠敷吏驚其威而民戴其德則又謂公為尚壯殊不知居

臺省以佐理六卿奉

天子命以觀察萬里外其寬猛之宜又自有不同也公素性坦夷不事表襮自奉儉薄衣无華好食无醲鮮出入敝車羸僕雖路人或弗之避公亦不較有犯之者雖貴倖權要不少為屈下其所居官舍故軒敞尚書陳公後至即讓與之而僦屋以居其屬有刘郎中者被誣逮赴北貧无以為裝遺之白金若干蓋其為人外和而内剛重禮義而薄聲利卒之日雖囊无餘貲而賢聲滿士林吁可尚也已祖諱貴考諱崇俱贈通議大夫南京戶部右侍郎祖妣楊妣蕭俱贈淑人配陳封淑人无子側室李氏生三子長謙

以蔭補國子生次讓早夭次謹謙奉樞將歸以某年月日  
葬梅子峯之原南京吏部尚書崔公恭舊與公同官知己  
也謙泣拜請狀其先公履歷持以謁予請表君子之仕也  
惟其中有主故其措之於行也有守施之於政也有猷為  
不巽悞不振而遇夫勢利外物皆不足以撓亂而沮止之  
公狀貌不踰中人而其志氣固乃近於古所謂仁者之勇  
謂非其中有主哉予故為論述之俾刻石墓上

浙



浙江圖書館



嘉議大夫南京戶部右侍郎鷗溪楊公傳

豐城雷禮撰

揚果字實夫直隸揚州府興化人弘治戊午舉鄉試己未  
不第歸聞蔡虛齋精於易問易其門盡得肯綮壬戌遂以  
易魁禮闈登進士第即告歸省父會父以疾卒號泣三年  
不輟服闋授戶部廣司東主事掌本科凡經國大章奏多  
出其手時逆瑾用事屢疏得歸復起為南京戶部主事陞  
南京刑部員外郎比情執法不避權貴政暇閉戶讀書并  
稽古行實以自考鏡後以人望入為吏部文選員外郎進  
郎中覈取實才請託不行又培植善類崇獎恬退揚尚書

廉謂其門可羅雀大耐官職踰年陞南通政司左通政攝  
刑部事三大讞誅死罪人無寃者未幾改提督騰黃聞寧  
藩變建言九事以養母請歸嘉靖改元以論薦起為南京  
太僕寺卿陳馬政便宜數事從之果志趣朗爽又介特不  
與塵俗浮湛每慕歐文忠為人多所表揚值滁守陳則清  
請重葺豐樂醒心壯懷諸亭為之授材續貴左右其成因  
紀之取易日中則晏月盈則食之意名堂曰保豐堂使知  
豐不可恃樂不可縱必本之先民之憂以為憂識者皆稱  
誦其言踰年進太常寺卿又以母老歸養七年復起南工  
部右侍郎尋改南戶部署篆校勘總核部政秩如中貴家

人有冒攬內府紙價者心寘之法并叅估計官時服其剛  
正未幾卒于官衆多惜之果天性孝友歷官兩京以母老  
在堂不挈妻孥業師家有四喪不能舉者皆為塋之而卹  
其孤嘗曰予自視實多曠廢惟不識瑾寧彬三凶差可免  
愧耳斯亦足覘所養云

浙江圖

浙  
江  
圖  
書  
館



浙 江 圖 書 館

喻司徒傳

南戶侍

王世貞撰

蓋嘉隆之際稱名臣者曰少司徒喻公時云而喻公之成  
進士也則首拜吳江令吳江巖邑戶口財賦甲天下吏緣  
是得乾沒爲姦隱賦賄出入若大萑符然而公至則嚴句  
校具得其狀始爲絜法提衡之秋夏稅以限上毋事敲扑  
力役以則應以時至毋待號召鄉小民鬪鬪毋復之三老  
就公片語立決大者笞十餘斥遣之各自得意去臺郡國  
下訊牒及它利害關白鏑一大櫃中手自封發吏亡問不  
得事也即不敢望得公一嘖笑以少見指而鄉小民亦不  
復知有吏公不爲操切假惠文彈壓閭右時有所劾治

皆取大猾尤者吏及大猾喘：戴三尺而立然竟公任亡  
敗墨吏即御史行部吳江亦不問吏及大猾指名曰亡事  
刺促令代我治之矣大江而南四郡一州十五邑亡論遠  
近稱喻青天喻青天竟用治行第一徵拜御史前是太保  
王肅敏公廷相見公文而善之意不欲公外補公對曰必  
不我也誰當外者王公竒其言而疑其不讎後乃心服公  
爲御史屬虜欲求貢或謂虜狡給我且事體大勿許便公  
疏曰毋爾也虜以虛給我而我遽絕之是授彼名也虜以  
實輸我而我逆拒之是創彼心也我且又代負夫不爲彼  
先不爲彼後內固吾守而探其機此在一才邊吏任耳公

又條備虜十四事上之咸報聞相嚴者初得幸 上有  
墨聲公抗疏論列謂其人險而獍久用之且亂天下業已  
上即素服候訊北闕 上心動公言而難去嚴為兩已弗  
究公遂出視鹺政河東屬歲旱公禱雨旱弗利苗而當饒  
得鹹或強公毋禱公曰不可利國等耳吾不忍以吾職易  
吾民竟禱雨立澍應歲大稔而鹺課亦不虧相嚴日益貴  
用事公迺移疾歸會其母李老病公不解衣而侍湯藥籲  
於天乞減已筭以代李卒毀瘠踰禮服除彷徨久之相嚴  
內攝公中州名士行能高未有以中而部檄公強起出按  
蜀益自勵有風稜嘗紉一方向一大將雅叩瀘三州守賓

陽江油萬大寧四令不法狀窮治亡所縱舍汚吏望風解  
印綬去蜀以大治已監壬子試所得多才儁公一夕夢若  
數百人焦頭者哭請救次日問所部則有大火飛渡江為  
災近千家焚死者不能殮公調棺槨為設薄酌夕復夢來  
謝如初還長其道事尋遷應天丞轉太僕俄以右僉都御  
史督西輔六郡公日夜拊循其吏民練兵實選將拒險虜  
騎入犯距浮圖峪十里覘我師整而和遂巡引去亡何改  
督操江佐南臺數上疏陳便宜計擒大盜汪然朱良弼等  
振武營兵驕再倡亂公奪其謀進右副都御史督漕運公  
故嘗為令熟江南運為四議以請其大指約束長賦者毋



私兌留減存料銀添給運卒行糧改徵脚直 詔可仍著  
為令公益精勤於職爬搔垢弊殆盡籍羨餘金萬計入之  
朝時人為謠曰鼙鼓下畏誰真若翁青天來俄用原官  
督陝西三邊軍務公至則獎率將士出邊鹵首虜百餘馬  
駝牛羊稱是虜吉能賓免台吉入寇公合三鎮兵徼破之  
獲首虜五百餘又以延綏兵搗虜獲百餘級三上捷賚白  
金文綺進食二品奉久之拜兵部右侍郎協理戎政應  
詔上八事所陳嚴補替禁奸詭定編氓於其政尤切虜入  
寇京城公佐大帥鎮遠候營於郭虜不敢越而南 手詔  
慰勞賜玉食法酒尋為南兵部時大司馬病在告而公攝

武選軍政進其屬矢天諭之一時翕然稱明考績至家有  
嫉公者中以浮言候別用公歸可三歲所而薦躡騰上召  
爲南戶部侍郎督留儲業已病矣強起共職條上四事曰  
明注選重部運省解納分水兌 詔次第行之公竟以不  
勝劇卒年六十五公爲諸生所構撰經義策論傳人人且  
用是魁其省後好爲古文辭源出盤庚周禮追琢詰屈世  
所謂喻氏學者也公字中輔別號吳臯其先世豫章人徙  
於光遂爲光人有丈夫三<sub>子</sub>三玄三素三象彬彬世其家  
王子曰余吳人故所稱喻公於吳獨祥耳穎川黃丞相公  
名損治郡乃公歷中外亡害奚啻穎川哉漕河天下吭咽

歲課稱最西陲伏鉞控及萬里八贊樞廷出參留鑰蹶而  
復振以佐計相乃猶惜公不大用何也豈八坐之地尚有  
餘席待公而不究耶中州龐厚鬱積其人才往往博大任  
重道遠著爲文章深含崛發乃自古記之矣

浙江圖

珠玉錄



浙江圖書館





浙江圖書館



浙江圖書館



浙江圖書館

浙江圖書館善本

甲 登記號：006662


一九 年 月 日



浙江圖書館



colorchecker CLASSIC



xrite



mm

